



PEKELILING PENTADBIRAN BIL. 4/2025

PEMBAYARAN BANTUAN KHAS KEWANGAN (BKK) TAHUN 2025

1. Mesyuarat Lembaga Pengarah Universiti (LPU) secara Edaran Bil. 1/2025 pada 3 Februari 2025 telah meluluskan pembayaran Bantuan Khas Kewangan (BKK) sebanyak RM500.00 kepada staf Kumpulan Pengurusan dan Profesional serta Kumpulan Pelaksana Gred 15 dan ke bawah termasuk pegawai/ kakitangan lantikan kontrak (dilantik sebelum dan masih berkhidmat pada 25 Februari 2025) yang layak terdiri daripada:
 - a. Pegawai lantikan tetap;
 - b. Sementara;
 - c. *Contract of Service* (COS); dan
 - d. Skim Felo termasuk Felo Penyelidik.
2. Bayaran BKK Tahun 2025 sebanyak RM300.00 turut diberikan kepada Pekerja Sambilan Harian (PSH) serta *Contract for Service* dan RM250.00 kepada pesara yang dilantik semula secara COS.
3. Bagi pembayaran BKK Tahun 2025 kepada staf yang berkelayakan menggunakan peruntukan Tabung Amanah jabatan yang melantik, bayaran adalah tertakluk kepada kelulusan Ketua Pusat Tanggungjawab bagi Tabung Amanah masing-masing.
4. Bantuan Khas Kewangan (BKK) Tahun 2025 akan dibayar pada 21 Februari 2025.

Sekian, terima kasih.

"ISLAM MEMBIMBING, RAJA MEMIMPIN, NEGERI DIBERKATI"

"MALAYSIA MADANI"

"BERKHIDMAT UNTUK NEGARA"

Saya yang menjalankan amanah,

A handwritten signature in black ink, appearing to read 'Khairul Ekuwan'.

(KHAIRUL EKUWAN BIN ABDUL HALIM, P.J.K)
Pendaftar

| 2 FEBRUARI 2025

- s.k. - Menjalankan Fungsi Naib Canselor
- Timbalan-Timbalan Naib Canselor
- Semua Ketua Pusat Tanggungjawab



KETUA PENGARAH PERKHIDMATAN AWAM
DIRECTOR-GENERAL OF PUBLIC SERVICE
 Jabatan Perkhidmatan Awam Malaysia
Public Service Department, Malaysia
 Aras 13, Blok C1, Kompleks C
 Pusat Pentadbiran Kerajaan Persekutuan
 62510 W.P. PUTRAJAYA
 MALAYSIA

Tel: 603-80008000
 Faks (Fax): 603-88892187
 Laman Web (Web): www.jpa.gov.my

Rujukan : JPA.800-3/2/4 (47)
 Tarikh : ~~27~~ Januari 2025

Semua Ketua Setiausaha Kementerian
 Semua Ketua Jabatan Persekutuan
 Semua YB Setiausaha Kerajaan Negeri
 Semua Pihak Berkuasa Berkanun
 Semua Pihak Berkuasa Tempatan

*YBhg. Datuk Seri/ Dato' Sri/ Datuk Wira/ Dato' Indera/ Datuk/ Dato'/
 YBrs. Dr./ Tuan/ Puan,*

BANTUAN KHAS KEWANGAN TAHUN 2025

Saya ingin menarik perhatian YBhg. Datuk Seri/ Dato' Sri/ Datuk Wira/ Dato' Indera/ Datuk/ Dato'/ YBrs. Dr./ Tuan/ Puan kepada perkara di atas.

2. Sebagaimana dimaklumi, YAB Perdana Menteri melalui pembentangan Belanjawan Tahun 2025 telah mengumumkan pemberian Bantuan Khas Kewangan (BKK) Tahun 2025 sebanyak RM500 kepada penjawat awam Gred 15 dan ke bawah, dan pegawai/ kakitangan lantikan kontrak.
3. Selaras dengan keputusan tersebut, kaedah pelaksanaan pembayaran BKK adalah seperti berikut:

3.1 LAYAK diberikan kepada:

- (i) pegawai Perkhidmatan Awam Kumpulan Pengurusan dan Profesional dan Kumpulan Pelaksana, Gred 15 dan ke bawah atau setara, yang masih berkhidmat pada **25 Februari 2025** seperti berikut:
 - a) pegawai lantikan tetap, sementara dan lantikan kontrak (*Contract of Service* dan Pekerja Sambilan Harian)¹;
 - b) pegawai yang bercuti bergaji penuh;
 - c) pegawai yang bercuti separuh gaji;
 - d) pegawai yang bercuti tanpa gaji; dan
 - e) pegawai yang dipinjamkan termasuk ke agensi yang diasingkan pengurusan saraannya, yang mana BKK ini akan dibayar oleh agensi yang meminjam pegawai berkenaan.
- (ii) personel MySTEP yang masih berkhidmat pada **25 Februari 2025**;
- (iii) guru interim;
- (iv) pemandu yang dilantik sendiri oleh pegawai Gred Utama B dan ke atas serta Gred Khas A dan ke atas yang layak pemandu tetapi tidak disediakan pemandu oleh jabatannya; dan

¹ Bagi pegawai di bawah *Contract for Service*, surat edaran berasingan akan dikeluarkan oleh Kementerian Kewangan.

- (v) pemandu yang dilantik sendiri oleh Anggota Pentadbiran, Hakim dan Pesuruhjaya Kehakiman.
- 3.2 Di samping itu, BKK ini dipanjangkan kepada pesara Kerajaan, veteran berpencen dan veteran tidak berpencen dengan bayaran sebanyak RM250 seperti berikut:
- (i) pesara Kerajaan yang menerima pencen termasuk pesara pilihan yang belum menerima pencen, penerima pencen terbitan di bawah undang-undang pencen, dan pesara skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa (55/ 56/ 58/ 60 tahun), atau bersara Atas Sebab Kesihatan (ASK) pada atau sebelum **25 Februari 2025**. Pembayaran BKK akan dibuat oleh Jabatan Perkhidmatan Awam (JPA); dan
 - (ii) veteran berpencen dan tidak berpencen yang mana akan dibayar oleh Jabatan Hal Ehwal Veteran (JHEV).
- 3.3 Bagi pesara Kerajaan dan veteran yang dilantik semula secara lantikan tetap, sementara dan COS yang masih berkhidmat pada **25 Februari 2025** layak dibayar sebanyak RM500. Pembayaran sebanyak RM250 akan dibuat oleh JPA atau JHEV, dan baki sebanyak RM250 akan dibayar oleh jabatan di mana pegawai sedang berkhidmat.
- 3.4 Seterusnya, pegawai yang meninggal dunia pada **25 Februari 2025** layak diberi BKK sebanyak RM500.

3.5 TIDAK LAYAK diberikan kepada:

- (i) pegawai dalam Kumpulan Pengurusan Tertinggi termasuk pegawai yang memangku, dipinjam/ tukar sementara dan secara penempatan khas ke Gred Utama/ Gred Khas;
- (ii) pegawai yang dikenakan hukuman tatatertib buang kerja atau turun pangkat dalam tempoh **1 Januari 2025 hingga 25 Februari 2025**;
- (iii) pegawai yang tidak hadir bertugas secara berterusan tanpa cuti, atau tanpa terlebih dahulu mendapat kebenaran Ketua Jabatan, atau tanpa sebab yang munasabah sepanjang tempoh **1 Januari 2025 hingga 25 Februari 2025**;
- (iv) pegawai yang ditamatkan perkhidmatan demi kepentingan awam dalam tempoh **1 Januari 2025 hingga 25 Februari 2025**;
- (v) pegawai yang meletak jawatan dalam tempoh **1 Januari 2025 hingga 25 Februari 2025**; dan
- (vi) pegawai berpencen yang melepaskan hak pencegahan kerana menyertai Badan Berkanun Yang Diasingkan Sarawak (BBDS).

3.6 Pegawai yang ditahan kerja, digantung kerja atau telah menerima surat pertuduhan dikeluarkan oleh Pihak Berkuasa Tatatertib (PBTT) akan ditangguhkan pemberian BKK Tahun 2025 ini. Pegawai hanya layak dibayar BKK setelah dibebaskan daripada pertuduhan tatatertib, atau dikenakan hukuman selain buang kerja atau turun pangkat oleh PBTT yang berkenaan.

4. Untuk perhatian YBhg. Datuk Seri/ Dato' Sri/ Datuk Wira/ Dato' Indera/ Datuk/ Dato'/ YBrs. Dr./ Tuan/ Puan, BKK Tahun 2025 ini akan dibayar pada **25 Februari 2025**, dan menjadi tanggungan jabatan di mana pegawai berkhidmat pada tarikh pembayaran tersebut. Pemberian BKK ini akan dikecualikan cukai pendapatan selaras dengan peruntukan di bawah subseksyen 127(3A) Akta Cukai Pendapatan 1967.

5. Sehubungan itu, tertakluk kepada penerimaan oleh pihak berkuasa masing-masing, peruntukan dalam surat edaran ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

Saya yang menjalankan amanah,

A handwritten signature in black ink, appearing to read "Wan Ahmad Dahlam". It is written in a cursive style with some loops and flourishes. A horizontal line is drawn underneath the signature, and a small mark resembling a checkmark is at the bottom left of the line.

(TAN SRI WAN AHMAD DAHLAM BIN HAJI ABDUL AZIZ)